

Hanuman Chalisa PDF

॥दोहा॥

श्री गुरु चरण सरोज रज, निज मन मुकुर सुधार ।
बरनौ रघुवर बिमल जसु , जो दायक फल चारि ।
बुद्धिहीन तनु जानि के , सुमिरौ पवन कुमार ।
बल बुद्धि विद्या देहु मोहि हरहु कलेश विकार ॥

हनुमान चालीसा चौपाई

जय हनुमान ज्ञान गुन सागर जय कपीस तिहु लोक उजागर ।
रामदूत अतुलित बल धामा अंजनि पुत्र पवन सुत नामा ॥

महाबीर बिक्रम बजरंगी कुमति निवार सुमति के संगी ।
कंचन बरन बिराज सुबेसा कान्हन कुण्डल कुंचित केसा ॥

हाथ ब्रज औ ध्वजा विराजे कान्धे मूंज जनेऊ साजे ।
शंकर सुवन केसरी नन्दन तेज प्रताप महा जग बन्दन ॥

विद्यावान गुनी अति चातुर राम काज करिबे को आतुर ।
प्रभु चरित्र सुनिबे को रसिया रामलखन सीता मन बसिया ॥

सूक्ष्म रूप धरि सियंहि दिखावा बिकट रूप धरि लंक जरावा ।
भीम रूप धरि असुर संहारे रामचन्द्र के काज सवारे ॥

हनुमान चालीसा चौपाई

लाये सजीवन लखन जियाये श्री रघुबीर हरषि उर लाये ।
रघुपति कीन्हि बहुत बड़ाई तुम मम प्रिय भरत सम भाई ॥

सहस्र बदन तुम्हरो जस गावें अस कहि श्रीपति कण्ठ लगावें ।
सनकादिक ब्रह्मादि मुनीसा नारद सारद सहित अहीसा ॥

जम कुबेर दिगपाल कहाँ ते कबि कोबिद कहि सके कहाँ ते ।
तुम उपकार सुग्रीवहिं कीन्हा राम मिलाय राज पद दीन्हा ॥

तुम्हरो मन्त्र विभीषन माना लंकेश्वर भये सब जग जाना ।
जुग सहस्र जोजन पर भानु लील्यो ताहि मधुर फल जानु ॥

प्रभु मुद्रिका मेलि मुख मांहि जलधि लाँघ गये अचरज नाहिं ।
दुर्गम काज जगत के जेते सुगम अनुग्रह तुम्हरे तेते ॥

हनुमान चालीसा चौपाई

राम दुवारे तुम रखवारे होत न आज्ञा बिनु पैसारे ।
सब सुख लहे तुम्हारी सरना तुम रक्षक काहें को डरना ॥

आपन तेज सम्हारो आपे तीनों लोक हाँक ते काँपे ।
भूत पिशाच निकट नहीं आवें महाबीर जब नाम सुनावें ॥

नासे रोग हरे सब पीरा जपत निरंतर हनुमत बीरा ।
संकट ते हनुमान छुड़ावें मन क्रम बचन ध्यान जो लावें ॥

सब पर राम तपस्वी राजा तिनके काज सकल तुम साजा ।
और मनोरथ जो कोई लावे सोई अमित जीवन फल पावे ॥

चारों जुग परताप तुम्हारा है परसिद्ध जगत उजियारा ।
साधु संत के तुम रखवारे असुर निकंदन राम दुलारे ॥

हनुमान चालीसा चौपाई

अष्ट सिद्धि नौ निधि के दाता अस बर दीन्ह जानकी माता ।
राम रसायन तुम्हरे पासा सदा रहो रघुपति के दासा ॥

तुम्हरे भजन राम को पावें जनम जनम के दुख बिसरावें ।
अन्त काल रघुबर पुर जाई जहाँ जन्म हरि भक्त कहाई ॥

और देवता चित्त न धरई हनुमत सेई सर्व सुख करई ।
संकट कटे मिटे सब पीरा जपत निरन्तर हनुमत बलबीरा ॥

जय जय जय हनुमान गोसाईं कृपा करो गुरुदेव की नाई ।
जो सत बार पाठ कर कोई छूटई बन्दि महासुख होई ॥

जो यह पाठ पढे हनुमान चालीसा होय सिद्धि साखी गौरीसा ।
तुलसीदास सदा हरि चेरा कीजै नाथ हृदय मँह डेरा ॥

।।दोहा।।

पवन तनय संकट हरन
मंगल मूरति रूप ।

राम लखन सीता सहित
हृदय बसहु सुर भूप ॥

▶ ▶ जय श्री राम ▶ ▶

▶ ▶ Jai Shree Ram ▶ ▶

